

toris, sed ut hominis, juxta distinctionem ab Augustino usitatam, quæst. 2 ad Simplic., lib. 1, et alibi sæpe; dilectio autem hominis, quantacumque sit, semper est bona, quamdiu non redundat in favorem vel dilectionem ipsius peccati, quod in præsenti dici non potest, ut ostensum est. Ex nullo ergo capite sequitur aliquid contrarium virtuti, aut bonitati divinæ ex illo miraculo, si Deus illud faceret.

**17. Altera pars dilemmatis.** — *Ratio probabilis.* — Denique idem fere discursus de divina sapientia et prudentia fieri potest. Duobus enim modis cogitari potest aliquid esse contra prudentiam et sapientiam, scilicet, vel intrinsece et ex objecto (ut sic dicam), vel extrinsece, ex defectu boni finis. Priori modo, illa tantum actio quæ per se est contra virtutem seu bonitatem, est etiam intrinsece contra prudentiam, sicut mentiri; actio autem de qua disputamus non est hujusmodi, ut ostensum est; ergo per se et ex objecto non est contra prudentiam. Multo vero minus potest repugnare divinæ sapientiæ et prudentiæ ex defectu ordinationis ad aliquem finem, Deo ejusque sapientia dignum, quia infinita Dei sapientia est mirabilis in rationibus providentiæ suæ, potestque infinitas rationes, et fines suorum operum habere, quos homo cogitare non valeat; ergo etiam in illo opere non deessent Deo optimi fines, si id facere voluisse. Imo, si id Deus fecisset, nobis non deessent rationes, et congruentiæ, quibus talis factum coherestaremus. Magis enim stundendum est Deum mori pro peccatoribus, quam conservare habitum charitatis in peccatore. Et, si Deus illud prius non fecisset, fortasse cogitationi humanæ, aut Deo indignum, aut contra divinam justitiam videretur. Et tamen postquam factum est, infinitas rationes justitiæ, misericordiæ et sapientiæ in illo opere invenimus. Sic ergo, si Deus decrevisset illum habitum in peccatore conservare, et misericordiæ opus videri posset, ut ille homo potentior semper esset ad resurgentem a peccato, et opus eximiae gratiæ ostendens summum dominium, et libertatem in conferendis hujusmodi donis, quibus vult, et quomodo vult; et aliae rationes similes facile possunt excogitari; ergo ex nullo capite invenitur in hoc opere repugnantia.

**18. Illustratur exemplis superior discrusus.** — Possumusque hunc discrusum et assertiōnem exemplis fidei vel spei confirmare. Nam Deus nunc de facto conservat habitum fidei in peccatore fideli, et non conservat illum in haere-

tico propter peculiarem repugnantiam connaturalem illius peccati cum vera fide. Et nihilominus utrumque potuisse Deus immutare, si voluisse; nam si malitiam mortalis peccati, ejusque indignitatem ac demeritum spectemus, justissime potuisse Deus privare peccatorem omnibus donis infusis propter quolibet peccatum mortale, sicut propter peccatum Adæ concipiuntur parvuli cum peccato, et sine fide; nam vulnus ignorantiae per originale peccatum contractum etiam carentiam habitus fidei includit, quia si Adam non peccasset, homines cum justitia, ac subinde cum habitu fidei conciperentur. Et nihilominus nunc noluit Deus peccatores fideles tam gravi pœna muletare, propter majorem suavitatem dispositionis providentiae suæ, magisque rebus ipsis et dispositioni subjecti consentaneam; ergo quantum est ex vi demeriti et justitiae idem potest facere in habitu charitatis. Unde, e converso, licet Deus nunc privet haereticum habitu fidei, quia peccatum haeresis est contrarium fidei, et formaliter objecto ejus, redditque ineptum ad actus veræ fidei exercendos, quamdiu in illo errore permanet, nihilominus potuisse Deus habitum fidei infusa in haertico conservare sine repugnantia morali, quia posset non ita severe illum punire, et sine repugnantia physica, quia, licet actus infidelitatis repugnet actibus fidei, et indisponat intellectum ad actualem usum talis habitus, non tamen reddit illum incapacem talis habitus, quia capacitatem innatam et inseparabilem habet, et formaliter effectus talis habitus non est directe et vitaliter, ut sic dicam, contrarius actui infidelitatis. Et idem discrusus fieri potest de spe respectu hominis actualiter desperantis. Simili ergo modo, licet peccatum mortale reddat hominem moraliter indispositum, et ineptum ad habitum charitatis, et ideo de facto illo privetur, suspendente Deo concursum suum, nulla inde oritur repugnantia, quominus Deus de potentia absoluta contrarium facere valeat, si velit.

**19. Assertio secunda.** — *Probatur conclusio, primo.* — *Probatur secundo.* — Secundo dico: respectu divinæ omnipotentiae nude consideratæ, non est physica repugnantia quod gratia in anima actu peccante mortaliter conservetur; an vero sit repugnantia moralis respectu bonitatis et sapientiæ Dei, in dubio sequenti dicetur. Prior pars eisdem fere rationibus quibus similis pars præcedentis assertiōnis probanda est. Nimurum, quia pec-

catum actuale non consistit in physica privatione habitualis gratiæ, sed in actu inordinato, vel in omissione ejus. Unde illa duo non involvunt immediatam contradictionem. Secundo, quia, existente peccato actuali, ut habitus gratiæ expellatur, necessarium est ut Deus suspendat influxum, quo illum conservat; at peccatum non infert Deo necessitatem physicam suspendendi talem influxum, neque appetat unde talis necessitas absoluta provenire possit. Nam, licet habitus gratiæ fortasse natura sua postulet ut non conservetur in subjecto ita prave affecto et indigno, nihilominus hoc non satis est ad tam absolutam necessitatem, Deus enim potest non agere secundum exigentiam naturalem formæ creatæ, et hoc modo potest supernaturaliter conservare simul ea quæ naturaliter repugnant; ergo idem erit in præsenti.

**20. Probatur tertio.** — Tertio, quia formalis effectus physicus gratiæ est constituere hominem peculiariter modo dilectum a Deo, et participem divinæ naturæ; effectus autem actualis peccati est constituere hominem dilectorem creature, et actualiter aversum a Deo; sed hæc duo, loquendo physice, non ita formaliter repugnant, ut sequatur aliqua contradictione ex eo quod simul sint; ergo. Probatur minor, quia amare alium, et non amari ab illo, formaliter non opponuntur, ut per se constat; ergo non repugnat Deum amare hominem, a quo non amat, sed offendit. Item in ordine naturali hoc est manifestum, nam si homo conditus in pura natura Deum offenderet, non statim annihilaretur a Deo, sed conservaretur in suo esse naturali, ac subinde diligenter amore quodam naturali, licet ab ipso homine Deus non diligenter etiam amore naturali, sed potius vel formaliter, vel virtute odio haberetur. Cur ergo physice repugnat Deum amare hominem illo particuli amore supernaturali gratiæ, conservando illam in homine, etiamsi ab homine non diligatur supernaturaliter, sed potius offendatur? Item, ut supra dicebam, diligere personam propter bonitatem naturæ, et odio habere illius actionem, non habent inter se physicam repugnantiam; ergo nec diligere personam propter habitualis gratiam, et odisse illam, quatenus efficit actum odio dignum, physice repugnat.

**21. Expositio.** — *Praeoccupatio objectionis.*

Tandem explicari potest in hunc modum; nam si fingamus substantiam aliquam supernaturalis habentem per suam naturam sub-

gnantia oriri potest ex conversione habitus, maxime supposita distinctione charitatis a gratia, quia charitas solum est quædam specialis virtus operativa, quæ, licet sit excellenter cæteris, et omnibus imperans, nihilominus per se non est forma deificans hominem (ut sic dicam), nec facit simpliciter dilectum, sed dilectorem in actu primo, unde potest intelligi aliquo modo informis, si a gratia separatur, et ideo ex sola conversione, vel inclinatione habituali ac physica, quam ad suum objectum et actum confert, non erit moralis repugnantia, quæ inducat aliquam repugnatiæ contradictionis, ex eo quod simul cum actuali peccato consideretur. Quid vero de gratia dicendum sit, paulo post videbimus.

23. *Locus D. Joannis explicatur.* — Ad ultimam confirmationem ex verbis Joannis, respondet illa priora verba : *Omnis qui natus est ex Deo peccatum non facit*, secundum Augustinum ibi, tract. 5, intelligi quidem de mortali peccato, et cum compositione. Nam qui habet in se semen divinæ gratiæ, quādū illud in se retinet, non peccat, quoniam si peccet, statim illud amittit. Et in eodem sensu dicitur postea : *Non potest peccare*, id est, non potest simul peccare, et esse filius Dei. At vero totum hoc sufficienter intelligitur ex natura rei, et de lege; nam Joannes non tractabat de miraculis, quæ potest Deus facere. Neque contra hoc obstant replicæ in argumento factæ, quia non oportet ut posteriora verba addant prioribus impossibilitatem in ordine ad absolutam potentiam, sed satis est ut declarent radicem, et causam ob quam cum semine gratiæ non stat peccatum, scilicet, quia per illam homo nascitur filius Dei, que nativitas immunis esse debet a peccato ex natura sua, et intrinseca perfectione. Imo, Augustinus, lib. de Natur. et grat., cap. 14, non reprobat explicationem, *non potest peccare*, id est, *non debet*; non cogunt autem admittere majorem repugnantiam; quia vero de gratia optime intelliguntur, adhuc superest videndum an respectu illius major repugnantia, saltem moralis, intercedat. Secundo, potest intelligi illa sententia formaliter de nato ex Deo, quatenus talis est; nam si ut talis est operetur, non peccat nec peccare potest, quia gratia vel charitas non possunt esse principia peccandi, licet voluntas, et anima quibus insunt, non secundum illas operari, et peccare possit. Quem sensum tradidit Augustinus, libro primo de Gratia Christi, cap. 21, et libro de Perfect. justit., cap. 18; et lib. 2

de Peccatorum merit. et remiss., cap. 7 et 8; et lib. 3 contra duas Epistol. Pelag., cap. 3. Et, juxta illam, facile admittimus esse omnino impossibile gratiam ipsam vel charitatem inducere hominem ad peccatum, aut esse principia peccandi. At hoc modo nihil ad præsentem causam facit illa sententia, nam homo habens charitatem potest non operari secundum illam, et sic peccare, et licet tunc mereatur charitatem amittere, potest Deus pro sua libertate illam non auferre; neutrum autem est contra illam sententiam in dicto sensu intellectam, ut per se manifestum est.

## CAPUT XX.

AN POSSIT DEUS CONSERVARE VEL INFUNDERE JUSTITIAM IN HOMINE QUI PECCAVIT MORTALITER, NON REMITTENDO EI PECCATUM.

1. *Charitas potest infundi sine gratia.* — *Stabilitur primo.* — *Ostenditur secundo.* — Hoc dubium, sicut et præcedens, indifferenter tractant Doctores de habitu gratiæ et charitatis. Ego autem, supposita distinctione illorum habitum, non dubito quin possit habitus charitatis infundi sine habitu gratiæ peccatori, et consequenter possit habitus charitatis, a gratia separatus, de absoluta Dei potentia conservari, vel infundi homini existenti in statu peccati mortalis, et permanenti in illo. Hoc mihi probant omnia adducta capite præcedenti. Et breviter explicatur, et confirmatur probando duas partes hujus resolutionis. Prior erat posse charitatem infundi sine gratia de potentia absoluta. Probatur autem, quia sunt formæ realiter distinctæ, ut supponitur, quæ etiam subjectis realiter distinctis infunduntur, scilicet, substantiæ animæ, et voluntati, quas realiter distingui supponimus, quanquam in rigore ad presentem probationem non esset necessarium, nam prior distinctio sufficit. Deinde non habent inter se essentiali dependentiam, quia gratia est forma absoluta prior natura quam charitas, et in nullo genere causæ pendens ab illa, ut est per se notum in sententia admittente illam formam, quam supponimus. Charitas autem, licet secundum ordinem consentaneum naturalis talium formarum sit posterior, et gratiam supponat, non tamen pendet a gratia per veram et physicam causalitatem, ut in fine libri præcedentis tactum est, et quamvis penderet, esset solum effective, nam alia causalitas magis intrinseca, aut quæ involvat causalita-

tem formalem ibi cogitari non potest; effectivam autem causalitatem Deus supplere potest; ergo potest Deus, et facilime, quamcumque illarum qualitatum sine altera infundere.

2. *Objectio ejusque solutio.* — Dices: quamvis Deus possit infundere charitatem sine gratia homini non habenti peccatum, non tamen illi, qui jam est sub peccato, quia jam non potest illi infundere habitum charitatis, nisi reddendo illum amicum, et consequenter gratum, ac proinde infundendo gratiam. Sed hæc evasio, si attente consideretur, petitionem principii continet; nam supponit illum habitum non posse conservari, aut esse, nisi in homine grato et amico, de quo est controversia. Unde probando alteram partem propositam, refutabitur hæc responsio. Nunc vero eadem pars confirmatur ac declaratur in hunc modum; nam si ex parte ipsarum formarum non repugnat infundi charitatem sine gratia, certe ex parte subjecti in peccato præexistentis non repugnabit. Aut enim solus charitatis habitus sufficit expellere peccatum habitualis, quia cum illo simul esse repugnat, aut ad hoc non sufficit. Si dicatur primum, infundi quidem poterit tali homini charitas sine gratia, expellet tamen ab illo peccatum, et hoc videndum superest, an sit necessario consequens in ordine ad potentiam absolutam, vel quo fundamento dicatur. Si vero eligatur secundum, profecto dispositio peccati existentis in subjecto, non obstat quominus Deus illi infundat charitatem sine gratia, quia nec peccatum habitualis essentialiter includit parentiam physicam illius qualitatis, cum sufficienter salvari possit in morali macula, ut paulo post videbimus; nec e converso habitus charitatis est sufficiens forma expellens peccatum habitualis, illique repugnans in ordine ad potentiam absolutam, ut in secundo membro dilemmatis accipitur et supponitur.

4. *Probatur secundo.* — Unde possumus secundo idem probare discursu facto in præcedenti dubio, quia illa repugnantia non oritur ex physico formalis effectu habitus charitatis, neque ex morali; ergo nulla talis est. Prior pars antecedentis patet, quia physicus effectus habitus charitatis solum est dare intrinsecam et proximam facultatem, connaturaliter effectivam actuum supernaturalem amoris Dei et proximi, et consequenter inclinare physice ad illos actus, quantum unaquaque forma in actu primo, et pondere naturali ad suas actiones inclinatur; hic autem effectus non habet physicam repugnantiam cum habituali peccato, quia nec actuale peccatum illi effectui per se ac formaliter opponitur, ut in præcedenti dubio declaravi; nec effective inducit aliquid quod illi effectui formaliter ac physice repugnet, quia nec formam physicam contrariam efficit, ut per se notum est, nec potest effective inducere solam privationem, ut infra in lib. 11 ex professo ostendam.

5. *Probatur tertio.* — Tertio, supra ostensum est posse actum charitatis esse simul cum habituali peccato; ergo idem dicendum est de